

明史彙

列傳第四十

光祿大夫

經筵講官明史總裁戶部尚書加七級臣王鴻緒奉

敕編撰

韓

觀

馬

榮等

山

雲

鄭

宰

蕭

授

吳

亮

衛

青

子

頴

巫

凱

方

政

史

昭

劉

昭

達

韓觀字彥賓虹人高陽忠壯侯成子以舍人宿衛忠謹為太

祖所知尋以父功授桂林右衛指揮僉事洪武十九年柳州

融縣蠻叛與參政耿文彬討平之異遷廣西都指揮使二十

二年富川蠻殺知縣剽數城觀進討斬二百餘人設靈亭千

戶所二十五年平賓州上林蠻二十七年全州灌陽諸徭叛

會湖廣兵斬千四百餘人明年捕宜山諸縣蠻擒二千八百餘人斬僞王韋召及萬戶以下傳首京師拜征南左副將軍從都督楊文問罪龍州比至伏罪乃移兵征奉議蠻屢戰破之勦都康向武高勞上林蠻破更吾蓮花大藤峽諸寨斬酋黃世鐵并其黨萬八千三百六十餘人討思恩都亮蠻平之觀生長兵間綜練武略驚悍誅罰無所假下令如山人莫敢犯初羣蠻所在蜂起剽郡縣殺守吏邊民苦之將士畏觀法爭死觀得賊必處以極刑間縱一二告諸蠻諸蠻膽落由是境內得安二十九年召還擢都督同知明年古州蠻叛復拜觀征鹵副將軍從楊文往討悉平之移兵擊五開與顧成討定水西諸堡還理左府事建文元年練兵德州禦燕師

功成祖卽位委任如故命往江西練軍城守兼節制廣南  
建湖廣三都司廬陵民嘯聚山澤帝遣行人許子謨齎敕諭  
諭且命觀臨撫之觀至衆皆復業帝賜璽書及牢醴綵帛命  
佩征南將軍印鎮廣西節制兩廣官軍復賜璽書曰蠻民易  
叛難服殺愈多愈不治高皇帝灼見其情故綏之以德不得  
已而後用兵卿往鎮務綏懷之毋專殺僇觀至鎮羣蠻皆叛  
帝遣員外郎李宗輔齎敕招之觀乃大隙兵示將發者而遣  
官與宗輔俱桂林蠻復業者六千家惟思恩蠻未附而慶遠  
柳溥諸蠻方殺掠吏民乃上章請討永樂元年與指揮葛森  
等擊殺理定諸縣山賊千一百八十有奇擒其酋黃仲文等  
五十餘人斬以徇還所掠男女於民而撫輯其逃散者明年

遣都指揮朱輝諭降宜山忻城諸山寨荔波徭震恐上書言願爲編戶帝以屬觀撫之八十餘洞皆附明年柳州桂林諸蠻作亂已撫復叛遣朱輝以偏師破之斬首四百五十有奇蠻懼會帝復遣郎中徐子良至遂來降歸所掠人畜器械遷江蠻復叛仍撫定之四年大發兵討安南詔觀畫方略轉粟二十萬石餉軍已復命發廣西兵三萬會太平遂從大軍發憑祥抵坡壘關以所部營關下運糧修道伐木治橋梁出兵遊徼安南平命措置交趾緣途諸堡而柳潯諸蠻乘觀出復叛詔觀事竣還計五年兵抵柳州賊望風遁觀請俟秋涼深入且請濟師帝使使發湖廣廣東貴州三都司兵又敕新侯張輔以南征軍協討別遣將將三萬人由他道進十月

軍皆集觀令都指揮朱廣方攻以湖廣兵攻慶遠宜山忻城  
河池而自以貴州兩廣兵由柳州攻馬平來賓遷江賓州上  
林羅城融縣皆破之會兵象州分勦武宣東鄉桂林貴平永  
福斬首萬餘級獲其黨黃南等萬三千餘人羣蠻復定捷聞  
帝嘉勞之九年拜征夷副將軍仍佩故印總兵鎮交趾明年  
督輸廣東糧萬石餉征南軍英國公輔再出師平交趾觀皆  
至饋運不爲將功不著是時武臣以軍功至大將者馬榮曹  
隆張欽程寬朱崇馬聚高成守義張廉冀傑等皆頗有聲績  
而觀威名震蠻中粵人惴惴非諸將所能及云十三年卒無  
子榮徐州人由永清衛所鎮撫從燕兵轉戰積功至都督僉  
事從征本雅失里領左翼進右都督永樂八年卒追封景城

伯諡壯武隆穎上人起卒伍從燕王征朶兒不花授燕山護  
衛百戶以靖難功累官都督同知永樂九年卒追封安陽伯  
諡忠毅欽雕寧人以騎士從燕王起兵累功爲都督僉事永  
樂十五年卒追封新泰伯諡剛勇寬亦穎上人由蔚州百戶  
降燕積功至都指揮同知克神機將軍從張輔平交趾進都  
督僉事崇定遠人襲父職爲燕山右衛指揮使從靖難歷都  
督同知永樂二十年與寬相繼卒追封寬傑昌伯諡忠威崇  
奉陰伯諡武襄聚武定人以燕山中護衛總旗從燕王轉戰  
渡江累官左都督聚貌寢而膽力過人卒追封郟陽伯諡壯  
勇成遼東人以騎卒從燕靖難積功至右都督守義涼州塞  
外人永樂初歸附屢從征漠北有功積官至都督僉事宣德

四年與聚成先後卒成追封營山伯諡武毅義晉和伯諡僖  
順廉天長人起行間從靖難及北征累官都督僉事宣德七  
年卒追封榆次伯諡忠敏傑東安人出行伍從成祖起兵積  
功爲左軍都督僉事仁宗卽位命鎮開平宣宗初進左軍都  
督漢王高煦反帝將親征列侯中有陰持兩端者言漢王機  
變不測用兵若神傑揚言於衆曰其人詐而無謀悍而無勇  
天威臨之行就縛耳何神之有衆皆曰善後卒如其言久之  
卒官贈清源伯諡忠壯

山雲徐人父清從太祖爲燕山左衛百戶從靖難師擢都督  
僉事雲貌魁梧多智略襲金吾左衛指揮使數從出塞先登  
却敵時幼軍二十五所隸府軍前衛掌衛者不任事更命雲

及李玉等五人撫戢之仁宗立擢行在都督僉事宜德元年  
改北京行都督府出鎮山海關命與都御史王彰自山海抵  
居庸巡視關隘訪軍民利病以聞帝征樂安召守京師明年  
柳慶蠻韋朝烈等糾獠獍掠臨桂諸縣鎮遠侯顧興祖坐逮  
公侯大臣舉雲帝亦自知之遂命佩征蠻將軍印充總兵官  
往鎮雲至討朝烈破之賊保山巔山峻險挂木於藤壘石其  
上官軍至輒斷藤下木石無敢近者雲夜半束火牛羊角縱  
之賊謂官軍至亟斷藤比明木石且盡衆譟而登遂盡破之  
南安廣源諸蠻悉下三年夏忻城蠻譚團作亂指揮張珮不  
能禦雲親追之至忻城團就擒四年討平柳濠諸蠻徂容蠻  
出掠遣指揮王綸破之間殺良民雲上綸功劾其罪帝宥綸



而心重雲五年遣指揮魯義討平樂蠻七年討平桂平蠻譚  
公專等明年遣指揮張珩討斬宜山蠻酋又明年復遣彭英  
魯義討平思恩蠻初雲以廣西兵少留貴州兵之來助者至  
是又言慶遠鬱林諸蠻非大創不服請濟師乃發廣東千五  
百人益雲雲分兵捕潯柳思恩餘寇擒斬甚衆復遣指揮田  
直攻大藤峽破之雲在鎮先後大戰十餘斬首萬二千二百  
六十降賊酋三百七十還男女二千五百八十擒虎豹三百  
四十獻於朝築堡九城四舖舍五百餘區陶磚鑿石增高益  
厚徭徭屏跡居民安堵論功進都督同知璽書褒勞雲墜馬  
傷股帝遣醫馳視以病請代優詔不許雲謀勇驚發而端潔  
不苟取公賞罰嚴號令與士卒同甘苦臨機應變戰無不捷

廣西故事鎮帥初至土官率饋獻帥輒受之既乃爲所持卒以賤雲始至聞府隸鄭牢剛直名問曰饋可受乎牢曰潔衣被體一污不可前將軍新潔衣也寧可污邪雲曰彼疑且生患奈何牢曰黷貨法當死將軍不畏天子法乃畏土夷乎雲曰善盡却饋獻嚴馭之士官皆服調發無敢後者雲所駐咨里老撫善畏原註誤察認枉土人皆愛之英宗卽位進右都督上言潯州與大藤峽諸山相錯徭寇出沒占耕鄰近田而左右兩江土官地少不足耕其徭兵素勇於賊所畏若重撥田州諸府土兵分界耕守斷賊出沒不過數年賊必坐困報可東南有急輒用狼兵自雲始也正統三年雲薨遺伯諱襄毅長子俊當襲讓其弟泉世府軍前衛指揮使廣西人思

雲不置立祠肖貌以祀初韓觀鎮廣西專殺慶慈諸生來逐  
觀曰此皆賊覘我也悉斬之雲平恕參佐有罪輒上請不妄  
殺人人亦不敢犯觀英武埒雲其仁弗如鄭宰嘗逮事觀觀  
醉輒殺人牢輒留之醒乃以白牢爲士大夫所重然竟以隸  
終

蕭授華容人洪武中襲府軍右衛千戶從燕師積功四遷至  
都指揮同知永樂十六年擢右軍都督僉事充總兵官鎮守  
湖廣貴州宣德元年刺惹洞酋謀右賞叛授集兵將發懼乞  
降尋遣指揮祝貴撫輿峒酋銀總爲所殺命都指揮張名討  
破其巢誅首惡者貴州宣慰所轄乖西巴香諸峒寨山箐深  
險諸蠻錯居連剽他部傷官軍發民塚而昆阻比諸寨亦恃

險不輸賦授遣都指揮蘇保會宣慰宋斌攻昆阻比寨連破之窮追斬其酋卓把同以下數百人乖西諸蠻皆震懾歸命水西蠻阿閉妨宜作亂授結旁寨酋以計誅之而西堡蠻阿骨等與寨底豐寧清平平越普安谷把諸蠻各相聚爲寇四川筠連諸蠻應之授且撫且捕西堡諸蠻皆聽命獨豐寧谷把負險自如遣都指揮李政進兵乃皆降承制赦谷把酋而以豐寧酋稔惡械送京師詎之七年諭降安隆酋岑俊已討廣州蠻擒其酋八十斬馘無算移兵擊江華苗討富州山賊先後破擒之先是貴州治古答意二長官司蠻數出掠煽諸蠻授作二十四堡環其地分兵戍之賊不得逞火之其酋吳不爾等覘官軍少復掠清浪殺官吏授遣都指揮張名擊破

之不爾走結生苗掠湖廣五砦勢復張授乃發黔楚蜀三方  
兵分道捕討進軍算子坪破新郎諸寨擒其酋二百誅不爾  
等斬首五百九十餘級餘黨悉平九年都勻蠻韋翁同誘蔡  
郎等五十三寨爲亂又引廣西賊韋萬良入掠授遣指揮陳  
原邀擊獲萬良降翁同及合江十二寨而蔡郎等四十寨不  
下復遣指揮顧勇討平之英宗卽位以授功多進都督同知  
佩征蠻副將軍印鎮守如故以都督僉事吳亮副之正統元  
年普定蠻阿遲阿哈等叛稱王布妖書四出攻掠授遣顧勇  
等擣擒阿哈輩而廣西蒙顧蠻蒙再萬糾十六洞及湖廣逃  
民楊保行等蜂起授督兵圍之一戰擒保行再戰斬再萬餘  
黨竄山谷中分兵捕斬數千存者多餓死捷聞進右都督上

言靖州與廣西接壤時苦苗患永樂宣德間嘗儲糧數萬石備軍興比年儲少發人徒轉輸賊輒先覺以故不能得賊乞於清浪靖州二衛各增儲五萬石庶緩急可藉報可已而貴州計砂賊苗金蟲苗總牌諸酋糾洪江生苗作亂僞立統千侯統萬侯授督兵抵計砂分遣都指揮鄭通攻三洋洞馮睦攻黃相山大破之吳亮窮追至蒲頭洪江斬總牌等生苗盡降千戶尹勝誘斬金蟲授沈毅多計算馭軍嚴裨校皆盡其材自鎮遠侯顧成歿羣蠻所在屯結官軍討之皆無功授在鎮二十餘年威信大行寇起輒破滅規畫部署多本於成久益明練後帥莫及也論功進左都督召至京以老致仕尋起視事右府十年卒贈臨武伯諡靖襄吳亮來安人永樂初爲

旗手衛指揮僉事屢從征有功宣德中署湖廣都指揮僉事  
尋以右副總兵與王瑜督漕運鎮守淮安英宗初討新淦賊  
有功累進都督僉事副授鎮湖廣貴州破普定蠻進都督同  
知平計砂苗進右都督方政歿於麓川召亮還京命爲副總  
兵將兵五萬往討之至雲南賊益熾與總兵官沐昂等逗留  
金齒參將張榮敗不救逮下獄尋免左遷都督僉事仍佩征  
南副將軍印鎮湖廣貴州討平四川都掌蠻泗城利州土司  
相攻發兵撫解之尋召還視事右府卒亮姿貌魁梧性寬簡  
不喜殺僇所至蠻人懷附喜文學至老手不廢書有儒將風  
衛青字明德松江華亭人洪武中起軍伍爲薊州衛百戶從  
燕兵積功至濟南衛指揮使進都指揮僉事蒞中都留守司

事改山東備倭永樂十八年二月蒲臺妖婦林三妻唐賽兒作亂自稱佛母知成敗得石函中寶書神劔役鬼神翦紙作人馬相戰鬪徒衆數千據益都卸石棚寨指揮高鳳敗歿其黨董彥昇賓鴻等攻下莒卽墨安丘安遠侯柳升爲總兵官都指揮劉忠副之圍其寨賊夜劫營官軍亂忠戰死賽兒遁比明升始覺追不及獲賊黨劉俊等及男女百餘人而賊攻安丘益急知縣張旗丞馬撫死戰賊不能下合莒卽墨衆萬餘人以攻青方屯海上聞之率千騎晝夜馳奄至城下再戰大敗之城亦鼓譟出殺賊二千生擒四千餘悉斬之時城中因乏不能支青救稍遲城必陷比賊退升始至青迎謁升怒其不待已捧書出是日鰲山衛指揮王直亦以兵百五十



入殲賊諸城賊遂平而賽兒卒不獲帝賜書勞再切責升尚  
書吳中等劾升且言升媚青功於是下升獄而擢青山東都  
指揮使真都指揮同知旗搗左右參議賞賚有差青還備倭  
海上尋坐事繫獄宣宗念其助釋之京師營建繁役及防海  
衛卒青以爲言得番代英宗立進都督僉事尋卒青有孝行  
善撫士卒居海上十餘年海濱人思之請於朝立祠以祀長  
子順襲指揮使次子穎字源正正統初襲濟南衛指揮使統  
班軍番上較騎射優等擢署都指揮僉事土木變作奉詔入  
衛予實授進都指揮同知以右亨薦擢署都督僉事管五軍  
營右哨諭黃花鎮白羊口及西直門禦寇功累進都督同知  
蒞事後府景泰二年與范廣等狎妓爲校尉所劾得宥于謙